

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
KANTONALNI SUD U SARAJEVU
Broj:009-0-SU-23-000996
Sarajevo, 12.3.2024. godine**

**PRAVILNIK
o izmjenama i dopunama pravilnika o platama i naknadama koja nemaju
karakter plate državnih službenika i namještenika Kantonalnog suda u
Sarajevu**

Sarajevo, mart 2024. godine

Na osnovu člana 8. tač. j) i k) Pravilnika o unutrašnjem sudskom poslovanju (Službeni glasnik BiH br. 66/12, 40/14, 54/17, 60/17, i 30/18), člana 38. Zakona o platama i naknadama u organima vlasti u Kantona Sarajevo („Službene novine Kantona Sarajevo“, br. 5/19 i 40/22), člana 112. stav (1) Kolektivnog ugovora za državne službenike i namještenike u organima državne službe Kantona Sarajevo („Službene novine Kantona Sarajevo“, broj 51/23), uz pribavljeno mišljenje Ministarstva finansija Kantona Sarajevo, broj:08-01-02-53583/23 od 26.2.2024. godine i Samostalnog sindikata državnih službenika i namještenika Kantona Sarajevo, broj: SIN-003-A/24 od 17.1.2024. godine, predsjednik Kantonalnog suda u Sarajevu donosi

PRAVILNIK

o izmjenama i dopunama pravilnika o platama i naknadama koja nemaju karakter plate državnih službenika i namještenika Kantonalnog suda u Sarajevu

Član 1.

U Pravilniku o platama i naknadama koja nemaju karakter plate državnih službenika i namještenika Kantonalnog suda u Sarajevu broj 009-0-Su-22-000879 od 16.03.2023. godine i 009-0-Su-22-000378 od 24.04.2023. godine u članu 8. stav (4) mijenja se i glasi:

“(4) Državnom službeniku i namješteniku, u skladu sa Kolektivnim ugovorom za državne službenike i namještenike u organima državne službe Kantona Sarajevo (u daljem tekstu: Kolektivni ugovor), dio plate po osnovu ocjene rada utvrđuje se za ocjenu „izuzetno uspješan“/“naročito uspješan“ 5% od osnovne plate, a za ocjenu „uspješan“ 2% od osnovne plate.“

Član 2.

U članu 9. stav (3) mijenja se i glasi:

„(3) Uvećanje plate iz stava (2) ovog člana u procentualnom iznosu od 5 % do 20 % ostvariti će, u skladu sa Kolektivnim ugovorom, državni službenici i namještenici i to:

a) za obavljanje poslova za koje se izdaju posebna sigurnosna ovlaštenja osnovna plata uvećat će se 5% za sljedeća radna mjesta:

sudskog stručnog saradnika, pomoćnika predsjednika suda za opće i pravne poslove, upisnike i pomoćno-tehničke poslove, šefa odsjeka za opće i pravne poslove, stručnog savjetnika za normativno-pravne poslove, višeg referent za opće i personalne poslove, šefa odsjeka za upisnike i pomoćno-tehničke poslove, referenta telefonistu, VKV radnika-vozača, VKV radnika domaćina zgrade, VKV radnika – električara, šefa odsjeka za prepis-daktilobiro, šefa odsjeka za računovodstvo, stručnog savjetnika za javne nabavke, višeg referenta – likvidatora finansijske dokumentacije, višeg referenta za trezor i osnovna sredstva, višeg referenta za obračun, višeg referenta za ekonomat, stručnog savjetnika internog revizora i sekretara Suda;

b) za obavljanje poslova koji podrazumijevaju cjelodnevni rad sa strankama osnovna plata uvećat će 10% za sljedeća radna mjesta:

višeg stručnog saradnik za podršku svjedocima, višeg stručnog saradnika za informisanje i potparol suda i višeg referenta - tehničkog sekretara;

c) za obavljanje poslova u pisarnici sa velikim brojem predmeta osnovna plata uvećat će se 10 % za sljedeća radna mjesta:

stručnog savjetnika za upisnike, višeg referenta za upravljanje predmetima, referenta otpreme pošte, NK radnika - sudskog dostavljača;

- d) za obavljanje arhivarskih poslova i poslova prijema, čuvanja i izdavanja materijalnih dokaza osnovna plata uvećat će se 10% za sljedeća radna mjesta:
višeg referenta za arhivu, višeg referenta za prijem i čuvanje materijalnih dokaza;
- e) za obavljanje poslova u šalter salama suda osnovna plata uvećat će se 10% za sljedeća radna mjesta:
VKV radnika - portira vatrogasca;
- f) za obavljanje poslova daktilografa osnovna plata uvećat će se 5% za sljedeća radna mjesta:
višeg referenta daktilografa;
- g) za obavljanje poslova planiranja razvoja i održavanja informacionog i komunikacionog sistema koje obavljaju državni službenici i namještenici osnovna plata uvećat će se 20% za sljedeća radna mjesta:
pomoćnika predsjednika suda za ekonomske, stručne i informatičke poslove, šefa odsjeka za IKT i CMS, stručnog savjetnika za IKT komunikacije, stručnog saradnika za IKT komunikacije, višeg referenta IKT tehničar, višeg referenta za CMS.“

Član 3.

U članu 16. stav (1) mijenja se i glasi:

„(1) Državni službenik i namještenik, za vrijeme porodiljskog dopusta, ima pravo na naknadu plaće prema propisima Kantona Sarajevo (u daljem tekstu: Kanton) kojim se uređuje ova oblast, prema mjestu uplate doprinosa, s tim da se razlika plate kao i pripadajući porezi i doprinosi isplaćuju iz Budžeta Suda, a u skladu sa pojedinačnim aktom općinskog organa kojim se utvrđuje pravo na isplatu naknade ženi – majci.“

Član 4.

U članu 22. stav (2) mijenja se i glasi:

„(2) Naknada za pripravnost za rad državnom službeniku i namješteniku, utvrđuje se u odnosu na osnovnu platu, a u skladu sa Kolektivnim ugovorom, u iznosu:

- a) 16 sati radnim danom – 3%;
- b) 24 sata subotom, nedjeljom i praznikom u koji se ne radi – 5%.“

Član 5.

U članu 23. stav (1) mijenja se i glasi:

„(1) Državni službenik i namještenik ima pravo na otpremninu pri odlasku u penziju u visini svojih šest ostvarenih prosječnih neto plata isplaćenih u prethodnih pet mjeseci.“

Član 6.

U članu 26. stav (1) na kraju rečenice umjesto interpukcijskog znaka tačka, dodaju se riječi: „i naknade utvrđene Kolektivnim ugovorom kao da radi puno radno vrijeme.“

Član 7.

Ove Izmjene Pravilnika, nakon pribavljanja mišljenja Ministarstva finansija Kantona Sarajevo i Samostalnog sindikata državnih službenika i namještenika Kantona Sarajevo, objavljuju se na oglasnoj ploči Suda, a stupaju na snagu osmog dana od dana objavljivanja.

